

# Кхо бух

Мухьаммад ибн Сулайман

- Дала кьинхетам бойла цунах -

Іаьрбийн маттара хІара жайна гочдина:

Адама Султана Олхазара

Пайхамаран шахьар - Мединат

1422 хІ. - 2002 м. шш

## Къахеташ, Къинхетамечу АллахІан цІарца!

Хъуна хаййла - АллахІа хьох къинхетам барг - вайн декхар хилар диъ хІума Іамадар:

1. Хьалхарниг: Илма ду. Илма - АллахІ вовзар ду, Цуьнан Пайхамар - Делера салават салам хуьлда цунна - вовзар ду, Ислам дин довзар ду шен делилашца (баххашца).
2. ШолгІаниг: Оцу Илманца Іамал яр ду.
3. КхоалгІаниг: Оцу вайна доьвзинчуьнга нах кхайкхар ду.
4. ДобалгІаниг: Нах вайна доьвзинчуьнга кхойкхучу хенахь вайна хуьлуш йолчу халонна сатухуш, собаре хилар ду.

Оцу деа хІуманан делил, цунна тешалла ду АллахІан дош:

﴿ بِسْمِ اللَّهِ الرَّحْمَنِ الرَّحِيمِ . وَالْعَصْرِ . إِنَّ الْإِنْسَانَ لَفِي خُسْرٍ إِلَّا الَّذِينَ آمَنُوا وَعَمِلُوا الصَّالِحَاتِ وَتَوَّصُوا بِالحَقِّ وَتَوَّصُوا بِالصَّبْرِ ﴾ [سورة العصر: الآيات 1-3]

**«Къахеташ, Къинхетамечу АллахІан цІарца! Хенаца (дуй буу Ас)! Баккъалла адам эшамехь ма ду. (АллахІах) теша а тешна , дика Іамал йинарш а, бакъонца весет динарш а, собарца весет динарш а боцурш»**. [Сурат "АлІаср" 1-3 аяташ].

Имама ШафиИийс - Дала къинхетам бойла цуьнах - хІокху сурат хьокъехь аьлла: "АллахІа Шен халкъана тешаллийна хІара сурат бен ца доссийнехь а, иза тоьар дара царна тешалла хила (цуьнца Іамал ян)". Имама Бухарис - Дала къинхетам бойла цуьнах - аьлла: "Илма Іамор Іамал ярал хьалха хилар довзайту баб (дакъа)".

Илма Іамалал хьалха даккха дезаш хиларан тешалла ду АллахІан дош:

﴿ فَأَعْلَمَ أَنَّهُ لَا إِلَهَ إِلَّا اللَّهُ وَاسْتَغْفَرَ لِذَنْبِكَ ﴾ [سورة محمد: الآية 19]

**«Хъуна хаййла АллахІ воцург кхин дела цахилар, хьайн къинна гечдар а деха»** [Сурат "Мухьаммад" 19 аят].

ХІокху аятехь АллахІа Шен омру "Хаййла хъуна" аьлла, дашал а, Іамалал а хьалха Илманца долийна.

Юха кхин а хаййла хъуна - АллахІа хьох къинхетам барг - хІора бусалба стагна а, зудчунна а тІехь хилар, хІинца вай дуйцур долу кхо хІума Іамадар.

1 - Хьалхарниг: Вай АллахІа кхоьллина хилар, цул тІаьхьа Цо вайна рицкъа делла хилар, Цо вай тесна дитина цахилар а тидам боцурш. Муххале а, Цо вайна Пайхамар вайитина. Цунна мугІахь хилларг ялсамане гІур ву, амма цунна Іеса хилларг

жобжахате а гур а ву. Оцунна тешалла ду АллахІан дош:

﴿ إِنَّا أَرْسَلْنَا إِلَيْكُمْ رَسُولًا شَهِدًا عَلَيْكُمْ كَمَا أَرْسَلْنَا إِلَىٰ فِرْعَوْنَ رَسُولًا . فَعَصَىٰ فِرْعَوْنُ الرَّسُولَ فَأَخَذْنَاهُ أَخْذًا وَبِيلًا ﴾ [سورة المزمل: الآيات 15-16]

**«Оха шуна Элча вайитина, шуна тІехъ теш а волуш, ФирІавн волча Оха элча вахайтарх терра, ткъа ФирІавн элчанна Іеса хилира, тІаккха Оха иза (ФирІавн) хІаллаквеш долчу лацарца лецира»** [Сурат "Алмуззаммил" 15-16 аяташ].

2 - ШолгІаниг: АллахІ реза вац Шеца накъост варна, хилайла иза малайкашна Іибадат дарца, я пайхамарашна Іибадат дарца.<sup>1</sup> Тешалла ду АллахІан дош:

﴿ وَأَنَّ الْمَسَاجِدَ لِلَّهِ فَلَا تَدْعُوا مَعَ اللَّهِ أَحَدًا ﴾ [سورة الجن: الآية 18]

**«Баккъалла, маъждигаш АллахІан ду, ткъа аша ма кхайкха АллахІаца цхъанга а»** [Сурат "Алджинн" 18 яат].

3 - КхоалгІаниг: Делан Элчанна - Делера салават салам хуьлда цунна - муьтІахъ волчунна, Дела цхъаъ веш волчунна мегаш дац, Далла а, Делан Элчанна - Делера салават салам хуьлда цунна - дуьхьал ваьллачунца гергарло лелор, иза шен уггара гергара стаг велахъ а. Цунна тешалла АллахІан дош ду:

﴿ لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ وَلَوْ كَانُوا آبَاءَهُمْ أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ أُولَٰئِكَ كَتَبَ اللَّهُ فِي قُلُوبِهِمُ الْإِيمَانَ وَأَيَّدَهُم بِرُوحٍ مِّنْهُ وَيُدْخِلُهُمْ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا رَضِيَ اللَّهُ عَنْهُمْ وَرَضُوا عَنْهُ أُولَٰئِكَ حِزْبُ اللَّهِ أَلَا إِنَّ حِزْبَ اللَّهِ هُمُ الْمُفْلِحُونَ ﴾ [سورة المجادلة: الآية 22]

**«Хьуна карор дац къам, АллахІах а, Къемат дийнах а теша а тешаш, АллахІана а Цуьнан Элчанна а дуьхьало еш берш (дов лелош берш) безаш долу, уьш шайн дай беллахъ а, я шайн кІентий, я шайн вежарий, я шайн тайпана (беллахъ а). Уьш (бусалба динна дуьхьал болчарца гергарло ца лелош берш) АллахІа шайн дегнашкахъ Иман яздинарш бу. (Цо) уьш чІагІбина шегарцу сица (Жабраилца), (Цо) уьш бохуьйтур а бу, шайна кІелхула татолаш лелачу бошмашка (ялсамане), даим цу чохъ хир а болуш. АллахІ реза хили царна, уьш Цунна реза а хили. Уьш бу АллахІан тобанах, ткъа АллахІан тоба баккъалла декъал ю»** [Сурат "Алмуджадалат" 22 аят].

<sup>1</sup> Цхъаболчу наха, я малайкашна Іибадат деш, я пайхамарашна Іибадат деш АллахІаца накъостий лецна Іибадат дарехъ. Масала, керста наха Іийса-пайхамарах Дела вина, цунна Іибадат до цара. Иштта кхечара малайкашка орца доьху, я уьш Делан йоІарий бу олу, я АллахІе бен далуш доцу хІуманаш, цаьрга дало моьттуш лела. Оцу кепара, пайхамаршкара а гІо лобху, я цаьрга шайн хьашташ кхочуш дар доьху. Ткъа массо хІуманна тІехъ ницкъ кхочуш волу АллахІ, адамашка Шегара гІо доцург гІо дац шуна, Ша делларг бен рицкъа дац шуна аьлла волу АллахІ Дела реза вац оцу хІуманашна. Муха хир ву Иза реза, Цо адамаш а, жинаш а Шена цхъанна Іибадат дайта бен кхоьллина ца хилча? (Гочдархо).

Хъуна хаййла – АллахІа хьо Шена муьтІахь хиларе нисварг - ИбрахІима-Пайхамаран миллат, хъанифийн дин иза ахь АллахІана даггара Ибадат дар хилар. АллахІана цхъанна, даггара Ибадат дар - и ду АллахІа массо нахана омру дина тІедиллинарг, иза бахъанехь адамаш кхоьллинарг а. АллахІа Къуръан чохь ма-аллара:

﴿وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ﴾ [سورة الذاريات: الآية 56]

«Аса ца кхоьллина жинаш а адамаш а, цаьрга Сайна Ибадат дайта бен» [Сураат "Аззарийат" 56 аят].

"Сайна Ибадат дайта" бохучуьнан маьІна - "Со цхъаь вайта" бохург ду.

Ткъа АллахІа овра динчарех уггар доккханиг "тавхъид" ду, цуьнан маьІна: Ибадат дарехь АллахІ цхъаь вар ду. Иштта, АллахІа ца магийначех уггар доккханиг "ширк" ду, цуьнан маьІна: АллахІ воцучунна Ибадат дар ду, Цуьнца кхечуьнга кхайкхар санна. Цунна тешалла АллахІан дош ду:

﴿وَاعْبُدُوا اللَّهَ وَلَا تُشْرِكُوا بِهِ شَيْئًا﴾ [سورة النساء: الآية 36]

«(Аш) Ибадат де АллахІана, цхъа а хІуманца Цуьнца накъост а ма ве» [Сураат "Аннисаь" 36 аят].

Ткъа нагахь санна хьоьга алахь: адамана бовза безаш болу кхо бух хІун бу? Ахь ала: Лайна шен Дела а, шен дин а, шен Пайхамар Мухъаммад а - Делера салават салам хульда цунна - вовзар бу.

## Хьалхара бух – АллахI Дела воззар

Ткъа нагахь санна хьобга алахь: хьан Дела мила ву? Ахь ала: сан Дела АллахI ву, со а, дерриге Iаламаш а Шен ниIматашца кхийна волу. Иза ву ас Шена Ибадат деш верг, Иза воцург кхи Ибадат дан цхьа а вац сан. Цунна тешаллийна АллахIан дош ду:

﴿الْحَمْدُ لِلَّهِ رَبِّ الْعَالَمِينَ﴾ [سورة الفاتحة: الآية 2]

«Хастам бу АллахIана, Iаламийн Элана» [СураI "Алфатихьат" 2 аят].

АллахI воцург кхидолу массо хIума Iаламашна юкъадогIуш ду, иштта со а ву оцу Iалам юкъара.

Нагахь санна хьобга алахь: хьуна хьайн Дела муха воьвзина? Ахь ала: Суна Иза Цуьнан аяташца (билгалонашца) а, Цо кхоьллинчу хIуманашца а воьвзина. Цуьнан аятех (билгалонех) ду: буйса а, де а, малх а, бутт а. Цо кхоьллинчу хIуманех ду: ворхI стигал а, ворхI латта а, цаьршинна чохь дерг а цаьршинна юкъахь дерг а. Цунна тешаллийна АллахIан дош ду:

﴿وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا لِلْقَمَرِ وَاسْجُدُوا لِلَّهِ الَّذِي خَلَقَهُنَّ إِن كُنتُمْ إِيَّاهُ تَعْبُدُونَ﴾ [سورة فصلت: الآية 37]

«Цуьнан билгалонех ду буйса а, де а, малх а, бутт а. Ма де суджуд малхана, я баттана, (амма) суджуд де АллахIана, уьш кхоьллина волчу, нагахь шайш Цунна Ибадат деш делахь» [СураI "Фуссилат" 37 аят].

Иштта кхин а аьлла Дала Къурьан чохь:

﴿إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَى عَلَى الْعَرْشِ يُغْشَى اللَّيْلَ النَّهَارَ يَطْلُبُهُ حَثِيثًا وَالشَّمْسُ وَالْقَمَرُ وَالنُّجُومُ مُسَخَّرَاتٌ بِأَمْرِهِ أَلَا لَهُ الْخَلْقُ وَالْأَمْرُ تَبَارَكَ اللَّهُ رَبُّ الْعَالَمِينَ﴾ [سورة الأعراف: الآية 54]

«Баккъалла шун Дела ву, стигланаш а латта а ялх дийнахь кхоьллинарг , цул тIаьхьа Иза нисвелла Iарша тIехь, Цо буйса денна тIетосу, цо (буйсано) иза (де) сихонца лоху. Малх а, бутт а, седарчий а, Цо муьтIахь дина Шен омрунца, Цуьнан карахь ду кхоллар а, болх а. Беркате ву АллахI, Iаламийн Эла (Дела)» [СураI "АльIаIраф" 54 аят].

Дела бохург - шена кхечу наха Ибадат дийриг бохург ду. Иза иштта хилар гойту АллахIан дашо:

﴿يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ. الَّذِي جَعَلَ لَكُمُ الْأَرْضَ فِرَاشًا وَالسَّمَاءَ بِنَاءً وَأَنْزَلَ مِنَ السَّمَاءِ مَاءً فَأَخْرَجَ بِهِ مِنَ الثَّمَرَاتِ رِزْقًا لَكُمْ فَلَا تَجْعَلُوا لِلَّهِ أَنْدَادًا وَأَنْتُمْ تَعْلَمُونَ﴾ [سورة البقرة: الآيات 21-22]

«Хай адамаш, Ибадат де шайн Далла, шу а шул хьалхарниш а кхоьллина волчу, шу хила мега тIаккха (Цуьнах) кхоьруш (аш Цунна Ибадат дича). (Аш Ибадат де АллахIана) шуна латта мотт санна дина волчу, стигал а гIишло санна йина волчу, стиглара хи а доссийна цуьнца стоьмаш а баьхна (лаьттара хьала) шуна рицкьанна, ткьа аш ма бойла АллахIаца накьостий, шаьш хууш доллушехь (и дан ца мегий)» [Сурат "Албакъарат" 21-22 аяташ].

ХIокху аятан тафсирехь Ибну-Касира - Дала кьинхетам бойла цуьнах - аьлла: "И хIумнаш кхоьллина верг - Иза ву Шена Ибадат дан хьакь долуш верг".

АллахIа тIедехкина долчу Ибадатан дакьош - Ислам, Иман, Ихьсан а санна долу, иштта доIа дар а, кхерар а, догдахар а, болх тIебиллар а, безам хилар а, цабезам хилар а, гIолахар а, хьаставалар а, тIетовжар а, Iалашвар дехар а, гIо дехар а, хьайбанна урс хьакхар а, чIагIо яр а, иштта кхин долу Ибадаташ а АллахIа тIедехкина долу, уьш массо а цхьа АллахIан доьхьа хила дезаш ду. Тешалла АллахIан дош ду:

﴿وَأَنَّ الْمَسْجِدَ لِلَّهِ فَلَا تَدْعُوا مَعَ اللَّهِ أَحَدًا﴾ [سورة الجن: الآية 18]

«Баккьалла маьждигаш АллахIан ду, аш макхайкха АллахIаца кхечуьнга цхьаьнга а» [Сурат "Алджинн" 18 аят].

Оцу Ибадатех цхьаь делахь а кхечуьнга дерзийнарг - иза АллахIаца накьост веш хуьлу Ибадат дарехь, куфр деш а хуьлу. Тешалла ду АллахIан дош:

﴿وَمَنْ يَدْعُ مَعَ اللَّهِ إِلَهًا آخَرَ لَا بُرْهَانَ لَهُ بِهِ فَإِنَّمَا حِسَابُهُ عِنْدَ رَبِّهِ إِنَّهُ لَا يُفْلِحُ الْكَافِرُونَ﴾ [سورة المؤمنون: الآية 117]

«АллахIаца кхечу деле кхойкхуш верг - шегахь цхьа тешалла а доцуш - баккьалла а цуьнан хьесап дар цуьнан Делехь ду, баккьалла а декьал хир бац керстанаш (куфр деш берш)» [Сурат "Алмуьминун" 117 аят].

Хьадисехь деана ду: "Дехар, доIа дар - Ибадатан тIум ю". Цунна тешаллийна АллахIан дош а ду:

﴿وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ دَخِرِينَ﴾ [سورة غافر: الآية 60]

«Шун Дала аьлла: Соьга деха, доIа де, Ас жоп лур ду шуна. Баккьалла а, Суна Ибадат дарх куралла еш берш гIур бу жобьжагIате аьшнаш бина сийсаз а болуш» [Сурат "Гафир" 60 аят].

АллахIах бен кхера ца везаран тешалла ду Цуьнан дош:

﴿فَلَا تَخَافُوهُمْ وَخَافُوا مِنِّي إِن كُنتُمْ مُؤْمِنِينَ﴾ [سورة آل عمران: الآية 175]

«Шу ма кхера церах, шу кхера Соьх, нагахь санна шу тешаш делахь (Соьх)» [Сурат "АалИмран" 175 аят].

Догдахаран тешалла ду АллахІан дош:

﴿فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا﴾ [سورة الكهف: الآية 110]

«Ткъа шен Далла ша дуьхьалкхетаре догдохуш волчо йойла дика Іамал, ша шен Далла Іибадат дарехь накъост а ма войла цо» [Сураат "АлкахІф" 110 аят].

БолхТІебилларан тешалла ду АллахІан дош:

﴿وَعَلَى اللَّهِ تَوَكَّلُوا إِن كُنتُمْ مُؤْمِنِينَ﴾ [سورة المائدة: الآية 23]

«АллахІана тІебилла болх нагахь санна шу тешаш делахь (Цуьнах)» [Сураат "Алмаидат" 23 аят].

Иштта оцунна тешаллийна кхин а цхьа аят ду:

﴿وَمَنْ يَتَوَكَّلْ عَلَى اللَّهِ فَهُوَ حَسْبُهُ﴾ [سورة الطلاق: الآية 3]

«АллахІана тІе болх биллинчунна - Иза кхачам болуш тоьаш ву цунна» [Сураат "АттІалакъ" 23 аят].

Безам хиларан а, цабезам хиларан а, хьаставаларан а тешалла ду АллахІан дош:

﴿إِنَّهُمْ كَانُوا يُسَارِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا وَكَانُوا لَنَا خَشِعِينَ﴾ [سورة الأنبياء: الآية 90]

«Баккъалла а уьш бара диканаш дарехь сихо еш, Тхьогга (АллахІе) кхойкхуш а бара, безам а болуш (массо дикачу хІуманехь), цабезам а болуш (массо вочу хІуманехь), Тхуна хьастабелла (АллахІан сий деш Цунна муьтІахь) а бара уьш» [Сураат "Альанбия" 90 аят].

АллахІах дагчохь кхера везаран тешалла АллахІан дош ду:

﴿فَلَا تَخْشَوْهُمْ وَاخْشَوْنِي﴾ [سورة البقرة: الآية 150]

«Ма кхера шу церах, Соьх кхера» [Сураат "Албакъара" 150 аят].

АллахІе дерза дезаран тешалла ду АллахІан дош:

﴿وَأَنِيبُوا إِلَى رَبِّكُمْ وَأَسْلُمُوا لَهُ﴾ [سورة الزمر: الآية 54]

«Шу дерза шайн Деле, Цунна муьтІахь а хила» [Сураат "Аззумар" 54 аят].

ГІо дехаран тешалла ду АллахІан дош:

﴿إِيَّاكَ نَعْبُدُ وَإِيَّاكَ نَسْتَعِينُ﴾ [سورة الفاتحة: الآية 5]

«Хьуна цхьанна Ибадат а до оха, Хьобгара цхьаьнгара гЮ а доьху оха» [Сурат "Алфатихьат" 5 аят].

Хьадисехь а деана ду: "Айхьа гЮ лахахь АллахIера лаха хьайна гЮ, Цуьнгара деха а деха".

Галашвар АллахIе деха дезаран тешалла ду АллахIан дош:

﴿قُلْ أَعُوذُ بِرَبِّ النَّاسِ . مَلِكِ النَّاسِ﴾ [سورة الناس: الآيات 1-2]

«Ахь ала: со ларло адамиин Эла волчуьнца (АллахIаца), адамиин Паччахьца» [Сурат "Аннас" 1-2 аят].

Орца лахаран тешалла ду АллахIан дош:

﴿إِذْ تَسْتَغِيثُونَ رَبَّكُمْ فَاسْتَجَابَ لَكُمْ﴾ [سورة الأنفال: الآية 9]

«Аша шайн Деле орца доьхучу хенахь Цо жоп делира шуна» [Сурат "Альафал" 9 аят].

Хьайбанна урс хьакхаран (гIурба деран) тешалла АллахIан дош ду:

﴿قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ . لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ﴾ [سورة الأنعام: الآيات 162-163].

«Ахь ала: баккьалла сан ламаз а, сан урс хьакхар а, сан вахар а, сан валар а, Галамиин Эла волчу АллахIан доьхьа ду. Накъост вац Цуьнца. Оцуьнца омру дина ду суна, со доьххьара бусалба а ву» [Сурат "Альаанам" 162-163 аят].

Суннатера тешалла ду Пайхамаран - Делера салам маршалла хуьлда цунна - дош:

"АллахIа неIалт аьлла АллахI а воцуш кхечуьна доьхьа урс хьакхначунна (кхечуьна доьхьа сагIа дийначунна).

ЧIагЮ йаран тешалла ду АллахIан дош:

﴿يُوفُونَ بِالَّذَرِّ وَيَخَافُونَ يَوْمًا كَانَ شَرُّهُ مُسْتَطِيرًا﴾ [سورة الإنسان: الآية 7].

«Цара кхочуш йо шаьш йина йолу чIагЮ, уьш кхера а кхьору шен вон дIасадаьржар долчу дийнах» [Сурат "Альинсан" 7 аят].

## Шолга бух - шен баххашца бусалба дин довзар.

Бусалба дин - иза АллахІ цхъаь варца Цунна муьтІахъ хилар ду, цо аьлларг деш хилар а ду, Цуьнца накъост варах а ширкан охІлунах а цІена хилар а ду.

Бусалба дин кхаа даржехъ ду: Ислам, Иман, Ихъсан. Оцу кхаа даржах хІоранне а ше-шен арканаш (бІогІамаш) ду.

### **Бусалба динан хьалхара дарж - Ислам.**

Исламан арканаш пхиь ду:

- 1) тешалла дар АллахІ воцург кхин дела вац аьлла, Мухъаммад АллахІан элча а ву аьлла;
- 2) ламаз дар;
- 3) закат далар;
- 4) мархи бутт кхабар;
- 5) АллахІан цІентІе хьадж дар.

АллахІ воцург кхин Дела вац аьлла тешалла дан дезаран далил АллахІан дош ду:

﴿شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَانِمًا بِالْقِسْطِ لَا إِلَهَ إِلَّا هُوَ الْعَزِيزُ الْحَكِيمُ﴾ [سورة آل عمران: الآية 18]

**«Тешалла дина АллахІа Ша воцург кхин дела вац аьлла, малайкаша а дина, Илман дайша а дина, нийсонна тІехъ лаьтташ ву АллахІ, кхин Дела вац иза воцург, Нуьцкъала а Хьекъале а волу»** [Сурат "АалІмран" 18 аят]

Цуьнан маьІна - цхъа а вац шена Ибадат дан хьакъ волуш цхъа АллахІ воцург бохург ду. "ЛаилахІа" - цхъа а Дела вац бохучу дашо дІадоккху АллахІ а витина шена Ибадат мел деш долу хІума, "иллаллахІ" - АллахІ воцург бохучу дашо чІагІдо цхъана АллахІана Ибадат дан дезар, Цуьнца Ибадат дарехъ накъост а ца веш, Цуьнан паччахьаллехъ Цуьнца накъост ца хиларе terra. И аят туьду АллахІан кхечу дашо:

﴿وَإِذْ قَالَ إِبْرَاهِيمُ لِأَبِيهِ وَقَوْمِهِ إِنَّنِي بَرَاءٌ مِّمَّا تَعْبُدُونَ. إِلَّا الَّذِي فَطَرَنِي فَإِنَّهُ سَيِّدُنِي. وَجَعَلَهَا كَلِمَةً بَاقِيَةً فِي عَقْبِهِ لَعَلَّهُمْ يُرجِعُونَ﴾ [سورة الزخرف: الآيات 26-28].

**«ИбрахІима аьлча шен дега а шен къоме а: со цІена ву аш Ибадат дечух, со кхоьллинарг воцучах (кхечарех цІена ву со) Цо со нисвийр ву. Цо (ИбрахІима) цуьнах (ша аьллачу дашах) дира шел тІаьхъа шен тІаьхьлонна дуьссур долу дош, уьш (цуьнан да а, къам а) юха боьрзур бацара те аьлла»** [Сурат "Аззухруф" 26-28 аят].

Кхечу АллахІан дашо а:

﴿ قُلْ يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِنْ دُونِ اللَّهِ فَإِنْ تَوَلَّوْا فَقُولُوا اشْهَدُوا بِأَنَّا مُسْلِمُونَ ﴾ [سورة آل عمران: الآية 64].

«Ахь ала: хІай жайни охІла, дуьйла тхуна а шуна а цхьатерра долчу даше: вай, АллахІ воцучунна Ибадат а ца дан, Цуьнца цхьа хІуманца накъост а ца ван, АллахІ а витина вай вовши эланаш а ца деш. Ткъа нагахь санна уьш юха бовлахь аш ала (цаьрга): тешалла де тхо бусалба хиларца» [Сурат "АлИмран" 64 аят].

Мухьаммад АллахІан элча ву аьлла тешалла даран далил АллахІан дош ду:

﴿ لَقَدْ جَاءَكُمْ رَسُولٌ مِنْ أَنْفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ بِالْمُؤْمِنِينَ رَءُوفٌ رَحِيمٌ ﴾ [سورة التوبة: الآية 128].

«Шуна веьна элча, шух шайха волу, йазло цунна шуна хуьлу халонаш, кхоаме, тІаламе ву иза шуьца, муьмининашца (АллахІах тешаш болчаьрца) эсала а кьинхетаме а ву иза» [Сурат "Аттават" 128 аят].

Мухьаммад АллахІан элча ву бохучуьнан маьІна ду: цо омру динчунна муьтІахь хилар, цо дийцинчу хІуманна тІехь иза бакъ вар, цо маде аьллачу хІумнах ларвалар, цо де аьллачу кепара бен АллахІана Ибадат ца дар.

Ламазан а, закатан а, тавхьидан маьІнан а тешалла ду АллахІан дош:

﴿ وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ وَيُقِيمُوا الصَّلَاةَ وَيُؤْتُوا الزَّكَاةَ وَذَلِكَ دِينُ الْقِيَمَةِ ﴾ [سورة البينة الآية 5]

«Царна ома дина дацара АллахІана Ибадат де аьлла бен, динлелор цІенчу даггара Цуьнан доьхьа долуш, хьанифаш (ИбрахІиман дин тІехь АллахІана цхьанна Ибадат деш берш) санна, ламаз а де закат а ло аьлла а бен. Иза ду нийса дин» [Сурат "Албаййинат" 5 аят].

Марха кхабаран тешалла ду АллахІан дош:

﴿ يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِنْ قَبْلِكُمْ لَعَلَّكُمْ تَتَّقُونَ ﴾ [سورة البقرة: الآية 183].

«ХІай муьмининаш (АллахІах тешаш дерш) шуна тІе яздина (тІедиллина) ду марха кхабар, шул хьалха хиллачарна яздаре терра, шу хир дацара-те кхоьруш (АллахІах)» [Сурат "Албакъарат" 183 аят].

Хьадж даран тешалла ду АллахІан дош:

﴿ وَ لِلَّهِ عَلَى النَّاسِ حِجُّ الْبَيْتِ مَنْ اسْتَطَاعَ إِلَيْهِ سَبِيلًا وَمَنْ كَفَرَ فَإِنَّ اللَّهَ غَنِيٌّ عَنِ الْعَالَمِينَ ﴾ [سورة آل عمران: الآية 97].

«АллахІана (хьакъ) ду нахана тІехь хьадж дар, новкъа ваха ницкъ кхачначо, ткъа цхьамма керстналла дахь - АллахІ Іаламера хІумма оьшуш вац» [Сурат "АлИмран" 97 аят].

### *Бусалба динан шолгІа дарж - Иман.*

Иманан кхузткъеитт а кхин масех а дакъа ду, церах уггар дезаниг "лаилахІа иллаллахІ" алар ду, уггар лахарниг новкъара нех дІаяккхар ду, эхь хетар а ду Иманан цхьа дакъа. Иманан арканаш ялх ду: Делах тешар а, Цуьнан малайкех а, Цуьнан жайнех а, Цуьнан элчанех а, къемат дийнах а, къадрах (билгалдаккхарх) тешар а, цуьнан диканах а волах. Оцу арканийн тешалла ду АллахІан дош:

﴿لَيْسَ الْبِرَّ أَنْ تُولُوا وَجُوهَكُمْ قِبَلَ الْمَشْرِقِ وَالْمَغْرِبِ وَلَكِنَّ الْبِرَّ مَنْ آمَنَ بِاللَّهِ وَالْيَوْمِ الْآخِرِ وَالْمَلَائِكَةِ وَالْكِتَابِ وَالنَّبِيِّينَ﴾ [سورة البقرة: الآية 177].

«Дикалла, суьпалла яц аш шайн яххьаш малхбалехьа а малхбузехьа а ерзор, амма дикалла ю АллахІах тешар а, тІаьхьарчу (къемат) дийнах а, малайкех а, жайнех а, элчанех тешар а» [Сурат "Албакъарат" 177 аят].

Къадран (билгалдаккхаран) тешалла ду АллахІан дош:

﴿إِنَّا كُلَّ شَيْءٍ خَلَقْنَاهُ بِقَدَرٍ﴾ [سورة القمر: الآية 49].

«Баккъалла а Оха массо хІума кхоьллина билгалдаккхарца» [Сурат "Алкъамар" 49 аят].

### *Бусалба динан кхоалгІа бух - Ихьсан.*

Ихьсанан цхьа рукн ду, иза - ахь АллахІана Іибадат дар ду хьайна Иза гуш волуш санна, ткъа хьуна Иза гуш вацахь а Цунна хьо гуш ву. Тешаллийна ду АллахІан дош:

﴿إِنَّ اللَّهَ مَعَ الَّذِينَ اتَّقَوْا وَالَّذِينَ هُمْ مُحْسِنُونَ﴾ [سورة النحل: الآية 128].

«Баккъалла а АллахІ Шех кхоьруш болчаьрца а ву, мухьсининашца (Ша гуш волуш санна Шена Іибадат деш болчарца а, нахана дика деш болчарца) а ву» [Сурат "Аннахъл" 128 аят].

Кхин а АллахІан дош ду:

﴿ وَتَوَكَّلْ عَلَى الْعَزِيزِ الرَّحِيمِ . الَّذِي يَرَاكَ حِينَ تَقُومُ . وَتَقْلَبُكَ فِي السَّاجِدِينَ . إِنَّهُ هُوَ السَّمِيعُ الْعَلِيمُ ﴾ [سورة الشعراء: الآيات 217-220].

«Ахь болх тIе билла Нуьцкьала а, Къинхетаме а волчунна, хьо гуш волчунна хьо лаьтгачу хенахь (ламазехь), суджудаш деш болчарна юкьахь хьо дIасахьйзаш а (гуш волчунна), баккьалла а Иза ву Хезаш а Хууш а верг» [Сураат "АшшуIараь" 217-220 аяташ].

Кхин а АллахIан дош ду:

﴿ وَمَا تَكُونُ فِي شَأْنٍ وَمَا تَتْلُوا مِنْ قُرْءَانٍ وَلَا تَعْمَلُونَ مِنْ عَمَلٍ إِلَّا كُنَّا عَلَيْكُمْ شُهُودًا إِذْ تُفِيضُونَ فِيهِ ﴾ [سورة يونس: الآية 61].

«Хьо цхьа а хьолехь хуьлуш а вац, ахь цхьа (дакьа) Къуръан ца доьшу, аш цхьа а Iамал а ца йо Тхо шуна тIехь тешаш долуш бен шу и хIумнаш дан дуьйлалучу хенахь (а, дечу хенахь а)» [Сураат "Юнус" 61 аят].

Суннатера тешалла ду массарна девзаш долу Жабраил малайкан хьадис, ХатIаба кIанта Iумара - Дела реза хуьлда цунна - дийцина долу. Iумара элира: "Тхо Делан Элчанна - Делера къинхетам а маршалла а хуьлда цунна - уллехь хоьвшина Iаш долчу хенахь тхуна тIе веара цхьа стаг, чIогIа кIай духар дуьйхина а волуш, чIогIа Iаьржа месаш а йолуш, шена тIехь гуш цхьа а некъан лар а йоцуш, тхуна цхьанненна а воьвзаш а воцуш. Пайхамарна - Делера къинхетам а маршалла а хуьлда цунна - улло охьахиира иза, шен ши гола цуьнан голех а хIуттуш, шен ши куьг цуьнан шина варе тIе а дуьлллуш. ТIаккха цо элира: ХIай Мухьаммад! Исламах лаьцна дийцахьа суна. ТIаккха Пайхамара элира: Иза ахь тешалла дар ду АллахI воцург кхин дела вац аьлла, Мухьаммад Цуьнан элча а ву аьлла, ахь ламаз дар а ду, закат далар а ду, марха кхабар а ду, новкьа ваха хьайн ницкъ кхачахь хьадж дар а ду. ТIаккха цо элира: Бакъ лоб хьо. ТIаккха тхо цуьнах цецдевлера - цуьнга хетта а хобттуш иза бакъвеш вукха иза аьлла! ТIаккха цо элира: Иманах лаьцна дийцахьа суна. Пайхамара элира: Иза хьо тешар ду АллахIах а, Цуьнан малайкех а, Цуьнан жайнех а, Цуьнан элчанех а, тIаьхьарчу (къемата) дийнах а, къадрах (билгалдаккхарх) а - цуьнан диканах а вонах а. ТIаккха цо элира: Бакъ лоб хьо. ТIаккха Ихьсанах лаьцна дийцахьа суна. Пайхамара элира: Иза ахь Iибадат дар ду - хьайна АллахI гуш волуш санна, ткьа хьуна Иза гуш вацахь а Цунна хьо гуш ву. Цо элира: Къемата дийнах лаьцна дийцахьа суна. Пайхамара элира: Шега хобттуш верг хаттарш дечул сов цуьнах лаьцна хIумма а хууш вац. ТIаккха цо элира: цуьнан билгалонех лаьцна дийцахьа суна. Пайхамара элира: лай йолчу зудчо шен эла яр а, когаш Iуьйра, тIейуха хIума йоцуш хилла болу къен-миска жаIуй гIишлош ярехь къийсалуш хьуна гар а. ТIаккха иза дIавахара, тхо диссира. ТIаккха Пайхамара элира: ХIай Iумар, хеттарш деш хилларг мила вара хабий хьуна? Ас элира: АллахI а Цуьнан Элча а ву дика хууш верг. Пайхамара элира: Иза Жабраил дара, шуна шун динан болх Iамо деана".

## Кхоалга бух – вайн Пайхамар Мухьаммад – Делера квинхетам а, маршалла а хуьлда цунна – вайна вовзар.

Иза ХIашима кIента IабдулмуттIалиба кIента IабдуллахIа кIант Мухьаммад ву. ХIашим Къурайши тайпанах ву, Къурайши тайпа Iаьрбой бу, ткъа Iаьрбой - АллахIан доттагI хиллачу ИбрахIим-Пайхамаран кIента ИсмаIилан тIаьхьенах бу - Делера салават а, салам маршалла а хуьлда цаьршинна а вайн Пайхамарна а -. Пайхамар кхузткъе кхаа шарахь ваьхна, шовзткъа шарахь шега пайхамаралла далале, ткъе кхаа шарахь пайхамар а элча а волуш. Цуьнга пайхамаралла делла "Икъраь" - "Деша" бохучу суратца, ткъа цуьнах элча вина "Муддассир" - "Шахьарчинарг" бохучу суратца. Цуьнан шахьар Макка ю. АллахIа иза вайитина нах ширках ларбеш, тавхьиде кхойкхуш. Цуьнан тешалла ду АллахIан дош:

﴿يَا أَيُّهَا الْمُدَّثِّرُ. قُمْ فَأَنْذِرْ. وَرَبِّكَ فَكْبِرْ. وَتِيَابِكَ فَطَهِّرْ. وَالرُّجْزَ فَاهْجُرْ. وَلَا تَمَنَّكَ تَسْتَكْبِرُ. وَلِرَبِّكَ فَاصْبِرْ﴾ [سورة المدثر: الآيات 1-7].

«ХIай дIахьаьрчинарг, хьалагIатта, кхерам хилар дIа а хьеде. Хьайн Дела ваз а ве. Хьайн бедарш цIан а йе. Цена йоцучу хIумнах хьой хер а ве. Айхьа деш долу дика цул дукха хьайна юха хила лууш а ма де. Хьайн Делан доьхьа собар а де» [Сурат "Алмуддассир" 1-7 аяташ].

"ХьалагIатта, кхерам ло" бохучуьнан маьIна ду - Цо кхерам балар а Делаца накьост варха, Дела цхьаь варе кхайкхар а.

"Хьайн Дела ваз а ве" бохучуьнан маьIна - ахь Иза вазве цхьаь варца бохург ду.

"Хьайн бедарш цIан а йе" бохучуьнан маьIна - хьайн Iамалш ширках цIан йе бохург ду.

"Цена йоцучу хIумнах хьой хер а ве" бохучуьнан маьIна – цIух (жаIарех) хер ло бохург ду, церах хервалар уьш Iад йитар а ду, церах а царна Iибадат дечу нахах цена хилар а ду.

ХIокху кхайкхаме - тавхьиде - кхойкхуш итт шо даьккхина Пайхамара -Делера салават салам хуьлда цунна -, тIаккха итт шо даьллачул тIаьхьа стигала хьалаваьккхина иза Дала, пхи ламаз тIе а диллина цунна цигахь. Маккахь кхаа шарахь Iийна иза ламаз парз динчултIаьхьа, тIаккха Мадинате хIижрат де аьлла омру дина цунна АллахIа. ХIижрат - иза АллахIаца накьост вечу махкара бусалба дин лелочу махка кхалхар ду. АллахIаца накьост вечу махкара бусалба дин лелочу махка хIижрат дар хIокху умматана тIехь парз а ду, къемат де даллалц лаьттар долуш а ду. Тешалла ду АллахIан дош:

﴿إِنَّ الَّذِينَ تَوَفَّيْتُمُ الْمَلَائِكَةَ ظَالِمِي أَنْفُسِهِمْ قَالُوا فِيمَ كُنْتُمْ قَالُوا كُنَّا مُسْتَضْعَفِينَ فِي الْأَرْضِ قَالُوا أَلَمْ تَكُنْ أَرْضُ اللَّهِ وَسِعَةً فَهَاجِرُوا فِيهَا فَأُولَئِكَ مَأْوَاهُمْ جَهَنَّمُ وَسَاءَتْ مَصِيرًا. إِلَّا الْمُسْتَضْعَفِينَ مِنَ الرِّجَالِ وَالنِّسَاءِ وَالْوِلْدَانَ لَا يَسْتَطِيعُونَ حِيلَةً وَلَا يَهْتَدُونَ سَبِيلًا. فَأُولَئِكَ عَسَى اللَّهُ أَنْ

«Бакъалла а шайш шайна зуламхой а болуш (АллахІана Іеса хиларца) малайкаша дІакхалхош берш, цаьрга эр ду: шу муьлха хьолахь дара? Цара эр ду: тхо гІор доцуш дара лаьтта тІехь. Цара (малайкаша) эр ду: АллахІан латта шорта дацара шуна аш цу тІехь хІижрат дан? Уьш шайн боьрза меттиг жоьжагІате ерш бу, ма вон воьрза меттиг а юкха (иза). (Царна юкьа богІуш бац) божарех а зударех а берех а гІора доцурш, кІелхьарабовлийла ца карош болу, некъ а ца хууш болу. Уьш бу АллахІа шайна гечдан а кьинтІера вала а там берш, ткъа АллахІ ву кьинтІера волуш а гечдеш а» [Сурат "Аннисаъ" 97-99 аяташ].

Кхин АллахІан дош а ду:

﴿يَعْبَادِي الَّذِينَ ءَامَنُوا إِنَّ أَرْضِي وَاسِعَةٌ فَإِنِّي فَاعْبُدُونِ﴾ [سورة العنكبوت: الآية 56].

«ХІай иман диллина болу Сан лайш! Бакъалла а Сан латта шорта ду шуна, ткъа аш Суна цхьанна Іибадат де» [Сурат "АлІанкабут" 56 аят].

БагІавий цІе йолчу Іелам стага аьлла: "ХІара аят доссаран бахъана ду Маккахь хІижрат а ца деш биссина хилла болу бусалба нах. Дала цаьрга кхайкхина Иманан царца". ХІижрат даран хьокъехь Суннатера тешалла ду Пайхамаран -Делера салават салам хуьлда цунна - дош: "ХІижрат дІахедар дац тоба дІахаддалц, ткъа тоба дІахедар дац малхбузехъара малх схьакхетгалц".

Мединатехь вайн Пайхамар -Делера салават салам хуьлда цунна - сечначул тІаьхьа тІедехкина цунна Дала диссина долу бусалба динан гІуллакхаш а, Іамалш а, закат а, марха а, хьадж дар а, азан дар а, ДжихІад а, диканиг де алар а, вониг ма де алар а санна, иштта кхин йолу Іамалш а. Оцу тІехь лаьттина иза Мединатехь итт шарахь, тІаккха дІакхелхина иза - Делера салават салам хуьлда цунна -, амма цуьнан дин диссина. Цхьа а дика дитина дац цуьнан дино цунна уммат тІенисдина бен, я вон а дац цо уммат цуьнах лардина бен. Цо шена тІенисвина долу дика - Тавхьид ду, Дела цхьаь вар ду, Далла дезаш а Иза реза мел волу хІума а ду. Оцу дино духатоьхна долу вон хІума - ширк ду, АллахІана цадезаш долу а, Цо духа мел тухуш долу хІумнаш а ду. АллахІа вайн Элча массо адамашна вайитина ву, цунна муьтІахь хилар жинашна а адамашна а тІедиллина а ду. Тешалла ду АллахІан дош:

﴿قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا﴾ [سورة الأعراف: الآية 158].

«Ахь ала: ХІай адамаш! Со шуна массарна (вайитина волу) элча ву» [Сурат "АльІаграф" 158 аят].

АллахІа цуьнца дуьзна кхочушдина Шен бусалба дин. Тешалла ду АллахІан дош:

﴿الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي وَرَضِيْتُ لَكُمُ الْإِسْلَامَ دِينًا﴾ [سورة المائدة: الآية 3].

«Тажана Ас дуьзна кхочуш ди шуна шун дин, шуна тІехь Сайн ниІмат кхочуш а ди Ас, Ислам шун дин хила реза а хили Со» [Сурат "Алмаидат" 3 аят]

Пайхамар валаран тешалла ду АллахІан дош:

﴿إِنَّكَ مَيِّتٌ وَإِئْتَمُّوا بِمَنْ مَاتَ. ثُمَّ إِنَّكُمْ يَوْمَ الْقِيَامَةِ عِنْدَ رَبِّكُمْ تَخْتَصِمُونَ﴾ [سورة الزمر: الآيات 30-31].

«Баккъалла а хьо а лийр волуш ву, уьш а лийр болуш бу. Цул тІаьхьа баккъалла а къемат дийнахь шайн Далла гергахь шу кыйса а лур ду» [Сурат "Аззумар" 30-31 аяташ].

Адамаш деллачул тІаьхьа юха хьалагІовттор долуш ду, цуьнан тешалла АллахІан дош ду:

﴿مِنْهَا خَلَقْنَاكُمْ وَفِيهَا نُعِيدُكُمْ وَمِنْهَا نُخْرِجُكُمْ تَارَةً أُخْرَى﴾ [سورة طه: الآية 55].

«Оха цуьнах (латтанах) кхоьллина шу, цуьнга дерзор а ду шу, цуьнах юха а хьаладохур а ду шу» [Сурат "ТІахІа" 55 аят].

Кхин а АллахІан дош ду:

﴿وَاللَّهُ أَنْبَتَكُمْ مِنَ الْأَرْضِ نَبَاتًا. ثُمَّ يُعِيدُكُمْ فِيهَا وَيُخْرِجُكُمْ إِخْرَاجًا﴾ [سورة نوح: الآيات 17-18].

«АллахІа шу кхийра латтанах кхиорца. Цо шу дерзор а ду юха цуьнга дерзорца, тІаккха хьала а дохур ду (латтанаха) хьаладахарца» [Сурат "Нухь" 17-18 аяташ].

Адамаш гІиттийначул тІаьхьа царна хьесап дийр долуш а ду, шайн Іамалашка хьажжина бекхам бийр болуш а бу. Тешалла ду АллахІан дош:

﴿وَاللَّهُ مَا فِي السَّمَوَاتِ وَمَا فِي الْأَرْضِ لِيَجْزِيَ الَّذِينَ أَسَاءُوا بِمَا عَمِلُوا وَيَجْزِيَ الَّذِينَ أَحْسَنُوا بِالْحُسْنَى﴾ [سورة النجم: الآية 31].

«АллахІан ду стигланашкахь а латта тІехь а дерг, вон динчарна бекхам бархьама цара динчуьнца, дика динчарна бекхам а бан диканца» [Сурат "Аннажм" 31 аят].

ГІовттор хилар харцдеш верг куфр (керстаналла) деш ву. Цуьнан тешалла ду АллахІан дош:

﴿زَعَمَ الَّذِينَ كَفَرُوا أَنْ لَنْ يُبْعَثُوا قُلْ بَلَىٰ وَرَبِّي لَتُبْعَثُنَّ ثُمَّ لَتُنَبَّؤُنَّ بِمَا عَمِلْتُمْ وَذَلِكَ عَلَى اللَّهِ يَسِيرٌ﴾ [سورة التغابن: الآية 7].

{Мобьтина АллахІах ца тешачарна шаьш ГІовттор дац аьлла, ахь ала: муххале а, сан Делор, шу ГІовттор а ма ду, тІаккха шуна хайтур а ма ду аш динарг, и

дар АллахІана атта а ма ду} [Сурат "АттаҒабун" 7 аят].

Дала массо Элчанаш кхерам а луш, кхаъ а боккхуш бахкийтина бу. Тешалла ду АллахІан дош:

﴿رُسُلًا مُّبَشِّرِينَ وَمُنذِرِينَ لِئَلَّا يَكُونَ لِلنَّاسِ عَلَى اللَّهِ حُجَّةٌ بَعْدَ الرُّسُلِ﴾ [سورة النساء: الآية: 165].

«(Ас бахкийтина) Элчанаш, кхаъ боккхуш болу, кхерам луш а болу, нахана цахилийта элчанел тІаъхъа АллахІана хьалха тешалла» [Сурат "Аннисаъ" 165 аят].

Элчанех хьалхарниг Нухъ ву - Делера салам маршалла хуьлда цунна -, тІахъарниг Мухъаммад ву - Делера салават а салам а хуьлда цунна -, иза пайхамарийн мохІур ду (цул тІаъхъа кхин Пайхамар а Элча а вац). Церах хьалхарниг Нухъ хиларан тешалла ду АллахІан дош:

﴿إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالتَّيِّبِينَ مِنْ بَعْدِهِ﴾ [سورة النساء: 163].

«Оха хьобга вахъйу дина, Нухъ-пайхамаре а цул тІаъхъа хиллачу пайхамаршка а вахъйу даре терра» [Сурат "Аннисаъ" 163 аят].

Нухъана тІера дуйна схъа Мухъаммадна тІекхач- чалц долчу массо умматашна АллахІа элчанаш бахийтина, Шена цхъанна Іибадат де аьлла царна омру а дина, "тІаҒутана" Іибадат дар а цамагийна. Тешалла ду АллахІан дош:

﴿وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ﴾ [سورة النحل: الآية: 36].

«Баккъалла а Оха вахийтина массо умматана элча - АллахІана Іибадат а де, тІаҒутах лар а ло аьлла» [Сурат "Аннахъл" 36 аят].

АллахІа массо лайшна тІедиллина Шех тешар, тІаҒутах ца тешар, иза харц а деш. Ибнул-Къаййима - Дала кьинхетам бойла цуьнах - аьлла: "тІаҒут бохучуьнан маЫна ду - Іибадат дарехъ а, тІаъхъавазарехъ а, муьтІахъ хиларехъ а Дала шена тоьхна долчу дозана тІехволуш долу хІума. тІаҒуташ дукха ду, церан кортош пхий ду: Дала Шен кьинхетамах гена даьккхина долу Иблис ду, ша реза а волуш шена Іибадат дайтинарг а ву, шена Іибадат даре нах кхайкхинарг а ву, къайлах дерг шена хаъа бохург а ву, АллахІа доссийна доцучуьнца хьукм деш верг а ву". Тешалла АллахІан дош ду:

﴿لَا إِكْرَاهَ فِي الدِّينِ قَدْ تَبَيَّنَ الرُّشْدُ مِنَ الْغَيِّ فَمَنْ يَكْفُرْ بِالطَّاغُوتِ وَيُؤْمِنْ بِاللَّهِ فَقَدِ اسْتَمْسَكَ بِالْعُرْوَةِ الْوُثْقَىٰ لَا انفِصَامَ لَهَا وَاللَّهُ سَمِيعٌ عَلِيمٌ﴾ [سورة البقرة: الآية: 256].

«Дегаз а дин тІелацийтар (мегаш) дац, билгалъялла нийсо тиларха, ткъа тІаҒутаца куфр а дина (иза Іад а дитина) АллахІаца иман диллинарг (Цуьнах тешнар) - иза хили чІоҒачу, ондачу, хедар доцучу дазарехъ (Исламехъ), АллахІ Хезаш а Хууш а ву» [Сурат "Албакъарат" 256 аят].

Иза ду - "лаилахІа иллаллахІ" - АллаhІ воцург кхин дела вац бохучуьнан маІна. Хьадисехь деана ду: "Белхан корта Ислам ду, цуьнан бІогІам ламаз ду, цуьнан лакхалла (уггаре лекха барам) Делан дуьхьа Делан некъахь ДжихІад (ГІазот) дар ду".

Ткъа массарел дика хууш верг АллаhІ ву.

"Кхо бух" олу жайна чекхдели.